

NORTHERN MARIANAS COLLEGE

ORAL HISTORY PROJECT

CNMI ARCHIVES

Date: April 18, 1997

Interviewer: Herbert Sablan Del Rosario

Interviewee: Vicente Naputi Santos

Place: CNMI Archives, N.M.C.

Video Man: Ray D. Diaz

Transcriber: Nomi Lifofoi Kosaka

Introduction: Hafa Dai yan Buenos Dias, Pago na haane Abril dia:disi Ocho, Mit nueve sientos nobientai siette. Lokue malago yo na baihu chuli este na oportunidad ya baihu extendi un dangkulo agradecimiento yan apprisiasion para si Seniot Vicente N. Santos, Pot i hanaposible i tiemponna para tafan hita na haane, para u estoriaye hit pot i espirensiana desdeke hatutuhon nu manietbe guine gi Comunidadta giya Commonwealth, especialmente guine giya Saipan. Ya pago man hit guine magi gi Northern Marianas College gi Archives. I subject ni parata discute pago na haane, pot i iyota History giya Northern Marianas estorian i Politika, ya pot i hago uno ni dangkulo expe-rinsiammo, yan bula siha un setbe gi na, i tiempo mona gi tanota gi anai matutuhon i politika mona mafaniago siha i politika mona esta ki ma establese i Covenant, Gi Commonwealth Government.

Q. 1 I primet na questiona Mr. Santos, ni para baihufaisen hau pago, na ogaann, sina un sina un estoriaye hit dididi pot i giaanai mafaniago i dos pattida giya Saipan, yan i naanna este i dos pattida giya Saipan?

A. 1 Si Yuus Maase Mr. Rosario, mauleg enau na question sa taftaf sa sumaunau yo gi gi politika, anai matutuhon este i dos na pattida. A, gi tutuhon nu dipendi gi gi, kinalamten i dos pattida, lau esta gi tutuhon guaha dos grupu. A, este i dos na gurupu, i uno na gurupu harepresenta i bisuness, i ottro i timan bibisnis. Ayi i man ordinatio siha na tautau. Pues tisen klaru hafa na ma fanaan ayo i telaihula yan tilai-lapag. Ti sen klaru lau nu kadada

enau na tiempo. Lau kumekeilegna enau i mas a, inetnong gurupun tautauha. Lau magahet na tihugof komprendi. Tumai manao na mafaniago enau, kau a,kau, a man agkasi. Lau i mas klaru nu i dos gurupu i ayo i mafananaan Teritorial Party, yan i Papular Party. Okay i finenina i Teritorial party, guaha dos naanna mafananaan Progressive Party. Mafanaan siha enau i Progressive Party sa gurupon Business. Ya yanniha man galamtin. Nu gurupun Economia. Pago i Papular Party, nu guaha giyanGuam nu gurupun Papular Party lokue harepresenta i,i ordinario siha na tautau. Pot ayo na mafanaan lokue Saipan. Pues guaho sumaunau yo guenau gi Papular Party. A,disti tutuhon, pues a,disti i finenina na a,a, election sumaunau ha yo lokue, mona . Despues ni a,a, funmat gimagahet i dos pattida despues anai humalom i question i para umana dannia i Guam yan i sanhilo siha na Islas.

Q. 2 Nu un hatsu hafa na tiempo pat hafa na sakan Mri Santosnaini matutuhong este i pattida giya Marianas? Especialmente Saipan?

A. 2 Saipan, nu hukekehatsu hafa gi magahet na tiempo lau esta gi 1951 anai hubira yo ginen,ginen, ginen a ginen Truk pago mafananaan Chuuk. Huhatsuha guenau na tiempo esta guaha gurupu esta, Mofona ki guaho siha, Enau siha na gurupu si John Blanco, A, si Tun Antonion Palacios, a, enagui siha na gurupu yan i man gef active si Difuntu Tun Elias, Sablan, a Tun Ignasion Benavente, Si Tun Josen Pangelinan, enagui siha esta guaha siha gurupun niha. Guaha esta u,u, huhugog monna, na s anai mato yo ginenTruk, esta kabales disi Ocho anos yo guenau na tiempo. Pues esta hulilie mona i i kinalamtin. Pues enau siha na gurupun tautaugui si Tun Kiku Bisku lokue mafananaan.Puru este siha man malati na gurupun man amko ni ginen despues di a, puru siha man menhalom na gurupun gurupun man amko.

Q. 3 Nu un hatsu tatte gi anai matutuhon este i i dinisea ni para dinan-na Guam, nu yan lokue i ottro banda buenti i ottro pattida, nu man malago ni ayi i mas hihot na relation yan America, Nu hafa taimano gi magehet na iya Northern Martianas osino iya Saipan yan i este iya Marianas nai nu hatutuhon este na dinisea para dinanna Guam. Hafa i intension enau na gurupu?

A. 3 Okay. I Papular Party, esta klaroha i intentionna i para una dan-nia Guam yan ,Guam yan Saipan. Esta taftaf enau. Sa huhatsuha anai

estaba yo gi anai umueskukuela yo gi Territorial College of Guam. Uno gi tinigehe i enau i kudu husapopotta enau nai. Pues mangi yo argument, pot enau na case. Pues esta desdi 19, .1954; 1954 enau nai; hutugi esta, sa enagui na sakan gi 1954 ni primet biahe nai humañau yo para Guam para baihu eskuela gi Colleho. Pues a, anai guaha assignment pot para uma tugi hafa na asuntun kinalamten, pues hu chose enau i argument i reintergration. Sobres tima honggi ni man maestro kau guaho tumugi. Sa anagko yan a,a, man sen importante siha na puntu, sa humalom pot asuntun cuttura, economia, istorian i tautau Marianas anai man nisiha un tiempo desdeki umalom si Magellan gi 1521 sigi mona no, pues a,anu pago i i, i, Territorial Party, todo i tiempo tisina man agfachag. Tisina nu tisina. Ni choka,mauleg na intention, i Territorial Party, i Papular Party ti usiha i dos. Todo i tiempo, esta desde i tutuhong ottroha nu kinalamten niha. Pues i Territorial Party ha ayig na para u in lugatdi udanna yan Guam,Saipan: para u dannia yan America.

Q. 4 America no? I dinisea nu dinan-nia Guam gi bandan re-intergation yan Guam yan iya Marianas,Saipan Luta Tinian, nu guaha nai un nigosio giman malogfan yan i man magas Guam, hayom ni tautau Saipan i man magas Saipan? Nai pot este na dinisia iire-intergation?

A. 4 Yes, man mafato magi a, congreso ginen ginen Guam. Man aalie, especialmente i man mofona ki guaho siha na Munisipal Council. Esta man dadannia especialmente si John Blanco guiya husodahalom esta Speaker guenau. Pues si John Blanco esta gef activo guenau gi bandan bandan Politica. Pues man dadannia mona man a, guaho i yoko invoulment mas gi anai esta gaigi yo lokue gi Munisipal Council, A , inyoko invaulment guenau, esta guenau hulo gi 1961. Anai lokue guenau na tiempo nu si Joaquin Arriola guiya i Speaker i iya Guam. Man activo lokue enau siha na congreso giya Guam.

Q. 5 Gi mit nueve sientos sientai nuebi (1969) nu i iyota Referendum, I mana-tautauta man bota para tafan dannia yan Guam, Fanaan lokue gi mismo tiempo i tautau Guam mabota nu i este i re-intergration, nai ya siguon gi resulta, ilelegna na mayoria, especialmente iya Marianas giya Saipan, dumesia i dinanna Guam. Hafa mon na rason na i tautau Guam gisinentemmo Mr. Santos, na tima fabot i re-intergration?

- A. 5 Guaha siha, Finenina hu popolo na nūtinahoon nu education i Guam Committee para i tautau niha, sa huhatsuha guenau na gímalá-magahet malagoho na para uchagigo i botasion Guam yan Saipan. En-nagui i mas mauleg para guaho sa taya chansa para uni ki i ottro. Lau Guam ilegna polo ya para usiha finenina sa ilegniha na siempre mayoría. Lau ti ufabot enau na momumento sa hafa ya mapetdi Guam, nu obra i kontrario, man matarget i Popular Party guihe na tiempo nai. Ya en-nagui masusedi. Anai ma ma bota Guam mofona, Ya mapetdi gi bandan re-intergation i Territorial Party hatutuhune kumukuti i, i Popular Party na atanha Guam ti maguaiya Saipan nu exsetra yan exsetra. Pues guaho personatmente yan i iyoko Committee man huyung hami ya esta guaha guenau na tiempo Television, Ayo i black and white nai. Pues man huyung hami gi television ya in esplicaye i tautau na maskesea, Guam, nu hadis apreba i Re-intergration lau hita guine giya Saipan debide ta sigiha mona i, i planuta. Pues anai mato i tiempo para na bota, Saipan ha-bota na konfotmi yan ayo na -re-intergration, ya sumen mauleg enau na mubimento Saipan sa in-nigi todo man matufon i kinalamten i Politika guine giya Saipan, para tafan halom guine gi Commonwealth Status.
- Q. 6 Pues gigon monhayan Referendum ayigi nai intutuhon nu i sigenti na dinisea no?
- A. 6 Hungan.
- Q. 7 Anai para in-espia i mashihot na relation yan America?
- A. 7 Yan America, Hungan.
- Q. 8 Nu desde enau siha na tiempo bula, nu anti lachi yo, buenti manafan hanau lago America nu catta yan resolution no? Magagagau giya America, Estoriaye yo fan dididi, hafa taimano mafotma i Status Commission nu ya humalom hau umitdi hau.?
- A. 8 Oh, i bandan Status Commission, ..
- Q. 9 Sa esta nai monhayan yangin ti lachi yo i re-intergration nu man halom hit gi Status Commission?
- A. 9 Oh, okay, U, uno mina sa todo i chechota guine gi tano, taya sientopot siento dinanchi, lau a, ilegkosnaïmaasesi Yaus este na sumaga atmaman yan i pumalo siha na man gachongho gi Popular Party gi Distric Legislature para ta konsigi este mona esta ki tachuli gi

magahet i istau ni ta gagagau nai. A, a, Anai esta Guam ha, a, disapreba, Pues debi ni guaha ottro mobimento. Pues i Popular Party nu ha, ha, hahatsu na i ottro na asunto na para u American Citizent. Lau tiun repara na todo tiempodios tisina umafacha, lau i Territorial Party ilegna Direct, hami tienna setbe ayo i direct. Hami in nasetbe ayo i US Citizent. Lau todo i tiempo in espipia ayo i ti para baen fan afagcha nai. Lau a, anyway, gi uttimon gi careran i chalan siempre man asoda hami gi, gi, taimanoha pago nai. Lau a, a, a maase Yuus na i Popular Party mumantiene todododo i Distric Legislature. Sa i Distri Legislature guiya i mas nu tatkiilo na Congresso nai, Kuetpupu, Pues guaha chansa para baien chegui mona i i, i, planun mami. Pues anai ma establese i Congress of Micronesia gi 1965, despues guaha iyonna join nu Status Commission a, ti in fabot enau. Sa guaho personatmente ilelegko na tisina dumannia i pumalo siha na Distrito yan Saipan gi bandan Politica. Lau gi bandan i Economia, tapossibli.

Q. 10 Possibli no. Anai man halom hamyo gi Status Commission esta guaha possision miyo na Commonwealth malago miyo?

A. 10 Hungan. Esta. Sa tunhatsuha lokue si President Nixson ha-offrese nai Micronesia na Commonwealth Status. Pues esta enhahasu enau na na asunto esta, esta guaha idean mami hafa comekeilegnas Commonwealth.

Q. 11 Hutungoha na man gef magof gianai en-risibe ayo na mensahi i ginen i Presidenten America, fanaan na esta nu ha-agsepta giya America na para iya Marianas para u negosio separiatmente no? I iyota Political Status ginen ayo iya Micronesia. Nu pues ayo nai man halom hamyo ya ma-establese este i Status Commission no?

A. 11 Hungan.

Q. 12 Nu hafa siha gi entre tododo i tiempo gi anai unan unan unan unan Vice Chairman gi Marianas Status Commission, i mas man makat na at-tikulo gi anai in negogosio i Covenant?

A. 12 Okay. Guaha siha puntu i uno na sen makat i esta in atan na nu man malago hit man Americano. Lau i Americano lokue guaha malagana, Tat komo iya Tinian. Dos diset patte malagana giya Tinian. Dangkulo enau para un dikiki na tano. EN-nagui un dangkuko na na asunto. Ensigidas anai mamaisen i Americano ni enau na proposito, Ti in atiende ensigidas. Man mahgan hami, esta entigo na nu este gui

malago mami, para tafan Sidudan Americano, lau guaha lokue i American , fuerade enau hagagao lokue four thousand Acher guini Airport. Nu hagagau i American Memorial Park, lau puro siha nu innegosiag. Lau kada hagagau hami, guaha lokue parata chuli. An hagagau i Airport, Enteramente in STOP sa in-nagui directamente i Economiata. Pues man man sea. Hagagau i American Memorial Park, nu ingagau lokue nu funding para sina u sustieni. Lau sina un dia i American Memorial Park habiragui tatte gi tautau. Taya para u chogue i Congreso, famatinasha lai na i Gobietnotta, para u run i American Memorial Park. Sinaha enagui na condition, Pues ti man malingo hit lau uno mihaulégnan anai hagagau gi magahet i American Memorial Park, nuza, a, finanago gi as Ambaseder William. Ya uno na sumen mauleg enau ya huhahaso na dinanchienau na disision. Sa yangin tita tita gotdi i American Memorial Park gi Covenant, puruha pago gima patdid hotel gi American Memorial Park. Ya guaha one hundred thirty three acers guihi na banda. Ya atanha pago haye munasesetbi. I tautauta. Kadas guaha actividad mana setbi. Pues nu dangkulo enanu na, unoha lokue in discuida, hami i ti-enhatsu otro na lugat nã parata lock gi Covenant para Park. Sa atanha pago, left to right gefnamaniau. Sina un dia i man mamagohit un puenge ya manhanau hit para i gimata man-maigo hit nai, pot ehemplo ayo hulo i Capital Hill, an man hanau hit para i checho gi sigenti dia,agi sigenti ogaan, guaha megai na equipment i butdoza esta man machochogue i foundation contruction sa guaha magas i gobietno man nae ni ayo na tano. Ayo gui na husagagane i Congreso na fan mamatinas pot fabot

lai ya in getdi ayo siha na tano kosake munga na u guaha manae. Sa atanha gi bandan land exchange, Hasuha ayo i gaigiha i Mission i Governor gi oriya, gi hagas na MPOC. hanae para exchange, Gef piligro sa sina man hagsa Guma guihi un tautau ya yangin tiyana i Gobietno hapagi hulu.manpos hihot. Lau pues todo i oriya gi papa i guma i Litenat Governor todo man en-nae. Gi maghet todo ayo:siha na lugat debide uma reserved para usun i gobietno. Gef piligro ayogui minaniauho gi man mamamaila siha na tiempo, na yangin ya man mamaigo i Congressuta, Ya maulegna i Congreso, umana chatdig ya umafatinase lai osino tanto siha lokue iyong niha Legislature building ma least out para nu bussiness.

Q. 13 Okay mauleg enau na ãonsern sa magahet na guaha problemata guine giya Marianas. Guine gi bandan tano, yan i banda plano. Ti man gof mauleg mana-tautauta siha man, i man magasta man man planea yan, guaha nai ginen i finatane i dos kuetpon guma ha afectaitodo hita nai. Nu gi anai sigi mona este siha i dinisean i Commonwealth, ya man Americano hit, nu seso pago na tiempo ma questiona este ya ta tataitai i gaseta i Americano na ilegna para uhalom si, ya para u take over i Immigration, i Labor yan i Minimun Wages, Nu anai in pacha este gi negosion i Marianas Political Status Commission na ti guaha secciona gui na hita gi magahet parata control este siha?

A. 13 Okay, a, a, nu guaha magahet problema guine gi dos, alright. GI duranten i nigosasion a, a, claroha na sen-man malago hami, para nu i congresuta u Control todo este, Lau anai sigi mona madiscuti aanog na i pumalec siha lokue na Territory Guam, American Samoa, Nu Virgin Island yan Puerto Rico taya enau na provision nai, Pues man ma sedi na nu takontrol i Minimun Wage, Immigration yan iyota Labor. Lau sinaha i United State Congress ha-amot hit. Lau hita lokue debidi na ta-tattiyi i contrata, Pues gigonha man huyong hit gi contrata siempre mato i Federal ya ilegna, hey, nu "STOP". Nihi ya taatan. Guaho gi hinasogko nu, a, a entre mauleg yan baba enau. I minualegna i guaha na biahe nai man kerkes hit. Nu man sulun hit ya inasotta na hita masea hafa malagota sina parata chogue. Ya aanog, na atanha este i i, man halom na Banglades, Dangkulo enau na diskuedu adahe troso. Siento sinkuenta ya tiun lie kinalemtenna. Sa yangin unocha, nu sina man adespensa hit. Lau enau i siento sinkuenta, para uhalom gi pettammo, ya ti un lie taimano humalomna, hanesesita na uma latigaso. Sa discuido enau. Pues a, yangin ta discuida hit ayo pago nai mafato i Federal ya ha tutuhon nu sumaulag hit ^{adumi} dididi na alright, Este gi nu lachen miyo, not track fast ya, pues taya binabana nai enau. An Taya binabana ayoha i umauleg na, i umauleg na communication Guaha megai gi Covenant ayo i secction 902, ayo gui umana setbe. Importante ayo, cada guaha problemata, debide umana setbe ayo. I United State nu nu government debide umana setbe ayi. Sa mana guaha ayo na vehicle pot para u guaha este na na communication. Pues ayo binabana guenau ayi i man e-entalo i i Federal, Lau gi hinasogko na entalo mauleg enau parehoha yan i i gima i manianata,

lau setso ha entalui hit lau ti baba enau.

- Q. 14 Hungan hu agreed. Mr. Santos i ottro na questiona baihu faisen nu un sen tungoha buenti na gi anai man implimenta i Covenant nai ya man Americano hit giya America. Nu ta resisibe ayo i maaalog 720 :??? funding gi Covenant papa i Covenant, Sigun i negosion miyo, Gi Marianas Political Status Commission yan iya Stados Unidos, Gi anai monhayan i siete anos ni hanae hit salape i Americano, nu bula tautauta ileg-niha na debidi uma continuaha ayo na salape nai magi giya Northern Marianas, Hafa hinasosonmo ni este i Covenant Funding nu mauleg ma-continua pat nu uma cut down pat hafa nai?
- A. 14 Okay. A,a, enau i section na 702 yan i Convenant nu fundings i finenina na siete anos, put para u sustiene hit. U nae hit time para ta-atan hafa ta nesesito nai lau ti kumekeilegna na para para i taihinikog enau siempre taihinikog. Guaha iyon-na cut of date. A, hita pago nai komo guaha nesidadta ayo gui pago nai sinia hit man mangagau hit, lau tikumekeilegna na na i Congreson America nu obligau na kada magpo i siente anos automatikamente para unae hit ahe. Hita pagodibidi ta justify . I nesidadta. A, pues nu a gi tutuhon sumen mauleg enau, lau guaho gi hinasokko gi kinalamten i salapeta pago ni tarikokohi sa dos sientos sinkuenta miyon (\$250,000)gi sakan, gi hinasokko na, nahung para u nina kalamten i i gobietnotta komo ma atan mauleg i i gasto, Sa guaho gi hinasokko na megai siha timan nesenario na gasto, ya nu tita repapara enau siha. Ya ayo lokue na i Congreson America ha-aatan enau na sigun gi tautau ni guaha man gaige guine giya Saipan esta enau i Dos sientos sinkuenta miyon pesos dangkulo na salape.

- Q. 15 Dinanche enau i iyonmo comment nai sa nu kantida miyon yan miyon na asalape humahalom gi konomiata nai ya pago na momento bula famaguonta man eskuekuela ayo i maalog year round off track sa tinahong kuartto, Tihi tungo tumaimamano mona i planon i bandan i Education nai, Gi gi eskuelata siha. Nu ola ya tiudanchi magi enau na problema gi collehio, lau kana tofoto eskuela pago man inefecta ni ayo i famaguon nai, guaha ayo i man eskaekuela guaha ayo i timan eskuekuela yan i inatanho, dangkulo na deskuido enau gi bandan i Work Education i PSS ni tima planuye mona para umana guaha masea taigui i dos na High School no, guaha gi san Lichan, gi San Katan kosake sina nu ti ufan inostotba gi kantidad ni machuda halom i population ya

ahatmi hit este siha i diferentes clasi Nation,tautau papa siha,
nu dangkulo na destruction.

- A. 15 Dinanchi enau sa ennagui nai humahalom i i, a, iyota leaders
Guaho komo hu hatsu para baihu falago gi Congreso taya iyoko issue
enauha i Education. Sa dangkulo enau, nigaiyan na ufagpog enai i
i ssuen Education, lau uno problema i i congresuta pago yan i
pumalo nai taya concentration. Nu guaha siha self interest. Gi
bandan niha. Lau piligro sa komota deskueda hit guine, Ya obligau
sigun i iyota Constitution, i Primeri Education gi Elementary
nu obligau enau. Ya guaha siha manena ni parata fan man rikohi nu
ni salape, guaho ti aestodba yo yangin i Congreso ilegna na fan
apasi one persent(1%) gi sale tax lau todo ayona one persent (1%)
para uhanau guato gi para i infractrucher i gima i eskuela no,
Yan masea real state tax, ti bai , ti uestotba yo yan gin para bai
fan apasi one hundred dollars (\$100.00) gi sakan. Lau ayo na real
state tax, uhanau talo para i Maestro i famaguon, sa tatungo para
mano guato lau yangin para un tax yo, one hundred dollars(\$100.00)
gi gimaho ya para udannia yan i zero fund malingoha talo tihatungog
nu taimano ma usana. Pues tanesesita,guaho ilelegko na, ya lastima
sa man malati este siha na congreso pago.no. Ya sinia mon madanchi
lau ti madadanchi trambia. Ni ma-agan yo untiempo para baihu fan
sapotta ha kaidato ya husagane siha na, basta man mamatinas lai
sa esta guaha Three Volumes na taiguineha? Esta bula no. I idia
pago espia hafa taimano nai sina man man rikohi extra Revenue.
Sa i Congresu taya nu ideana ni para ufan rikohi extra Revenue.
I gobietnoha pago nu guaha nu iyonna idea kada guaha i Governor
nai iyonna idia para extra revenue, ma target ni Congreso. Lau
taya nai substitution para uma tulaika enau. Ya nu dinachi enau
adahi nu, guaha problemata, Herbert problemata tododo desde i bandan
Religion, bandan excetera, excetera, nu guaha problemata.
- Q. 16 Bula na problema, dangkulo na problema.
- A. 16 Hu,u.
- Q. 17 Nu hutungoha na dangkulo contributionmo gi anai kumongreso hau
pago hu tutungona, maniebe hau gi Saipan Munisiple Concil, nu
kana kuantu tiempo gi Legislature nu kuantos anos nai Prumesi-
dente hau?

A. 17 Okay gi Munisiple Legislature, humalom yo gi '61, gigonha fanaan

twenty one years yo. Fanaan twenty one twenty five. Ilegko twenty one years. Pues a, sixty one('61) sisty two '62, pues a Vice Speaker yo gi Special Resite, malagoyyo yan gi District Legislature, man hami yan si tatana si Ray, Frank Diaz, man hami gi First Legislature. Pues two years yo gi Munisipal Council, Pues a, fourteen fifteen years yo gi District Legislature. Pues fourteen years yo gi Presidente.

Q. 18 Presidente no? Desdiki maestablesi i Marianas District Legislature hago Presidente no? Mahnanauha?

A. 18 Mahnanauha, Pues nu fuera gi uttimo, gi '77 sa mas kasi iyoko konsentration gi esta este i Political Statuesha. Taya iyoko time para,para otro. Esteha. Pues anai esta monhayan esta nu, ayoguina nu esta enau monhayan ennau na Chapter nai gi iyoko line. Pues ti exciting esta gi magahet i, i kinalamten sa taya esta adventure nai.

Q. 19 Dangkulo contributionmo ya hutungoha na nu para un cumple enau i iyota Covenant nai na Commonwealth hit, An tilachi yo, bulà na tau... tauta lokue nu masasagan na hago fumachuchuchi i War Claim? Para ufan ma apase i tautauta siha? Sina un sangane hit dididi pot este sa hutungo na mamaila...

A. 19 Okay dinanche hau. I War Claim nu ti fumino banidododso yo lau kasi guahao tumu-tuhong i War Claim, despues di hutaitai i kinalamten i Okinawag, ni ayo i mafananaan "Compassionate" gi bandan titlê One gi bandan Chapanes nai, man manae i Okinawa pues guaha lokue siha man manae nu anai ha-distrosa i Nation tat komo nu, nu i Americano. Pues hu sotda un Documento na ilegna na esta man ma apasi i tautau Marianas, Pues mamamaisin yo, Hufaisin si tataho kau maapasi hau, Ahe hufaisin i bisinuhu, Pues manman dadagi. Okay pues enagui tutuhonna. Sombris anai humanau yo para Washington D.C. ya si Vanclief guenau director of Territories, Ilegna na esta man maapasi.

Q. 20 Tautau Marianas?

A. 20 Tautau Marianas. Pues taya hu gagagau na nae yo fan kopian ayo i man maresibe. Pues kada mato yo gi appointment, ma ring i telephone lau guaho esta hutungo, sa fayina yo ke guiya. Na ma ringring pot para baihu para umalie. Lau esta husanganeha na un dadagi yo nu Mrs Vanclief, ti man maapasi sa yangin manman maapasi ready hau ni lista.

lau munga yo ma-dagi nu Lou, sa parehoha hago stagna lau guaho lokue i kinemprendegko sa hutungo i tautau mami. Lau komo un nae yo ni naan Sablan, Santos, Camacho, hutungoha na tautau mami enau, lau yangin si Smith, Nelson, those are none not Saipanese.

Q. 21 Ya kuantos anos Mr. Santos un patiki i War Claim?

A. 21 A, a, anako dai magahet, ya malefa yo kuantos anos lau a, nu anai intattiyi ni District Legislature ti en setda. Esta ki nu finally a a, man maapasi, lau tisina na titafan maapasi sa direchota enau sa guaha magahet na damage. Guahoha para hafa i otro bai faisen sagan giya Aslito, tano tataho dos hetaria entera mente ma kaskao. Sa maniega guihi i Militat nai. Despues mafa mafa Village. Pues one hundred percent (100%) na damage ayo puruha kaskao.

Q. 22 Man maapase hamyo todo pot eanu?

A. 22 Man maapase hami nu, haresibe si tataho lamegaiha guihi na kobla. Kobli. Para ayo na tiempo, dangkuloha magahet, maleffa yo kuantos ha resibe. Kau twenty seven thousand dollars. Lau dangkulo enau na kobli.

Q. 23 Unai. Aanog gi sigun i kobisasionta pago na fuera di i Marianas

Political Status Commission ni takumple i Commonwealth nai, Dangkulo i contributionmo giya Marianas, ginen i War Claims, Hafa otro ni un hatsu ni dangkulo ni unfachuchi ni ayi i tiun maleffa ni un fachuchi para i iya Marianas na diniseha, ni dini-seamo gi personatmente nai?

A. 23 Well, ilegko na gi bandan politika ha em=brasa todo. Bandan Politica

guaha lokue tibaihu malefa uno este i bandan i economia, sa un tiempo nai nu tisina man halom tautau hiyong para ufan Business, Ya hu-aatan nu pot Japan, Pues nu anai umalie ham yan si Difuntu nu Richard Taitano, Sen malate este na tautau, hufaisin nu hafa na chalan nai sina mababa para ufan halom adumididi i tautau hiyong ya uguaha competition sa i gurupuho nai, i gurupun mami puru nu nu ti business man hami, Pues ayogui para u guaha diversity case ayo i para uguaha megai clasen business. Pues ayoha i hasagane yo i uma-relax i most(davit Nation Clauk) ????

gaigi gi provision gi United Nations. Pues anai hu atan ilegko Bingo este talo. Hu tutuhon nu yan i mangachonho yan i District Legislature man man nahalom resolution guato gi Secretary of the

of Interior, Pues finally si si Secretary Hiko, mato Saipan ya diclare na para uma relax enau na provision i para ufan halom i tautau hiyong ya para ufan business nu nu Saipan. Enagui dang-kulo lokue na kinalamten i Economia. I otro ni huhahasu este i bandan Turista ilegko na man man aadagiha i tautau Saipan hulo gi komo i otro lau huhahuha si tatana si Ray, si Frank Diaz, gaigi lokue si Frank gi bandan nu turista nai gi Trust Territori. Pues humanau yo gi 1963 para Virgin Island, Puerto Rico, Pues hanai humanau yo para bai hu atanha ayo na train i Turist, taimano i kinalamten i turist from Puerto Rico and Virgin Island. Pues anai hu atan, ilegko lami sa parehoha este yan Japan, Saipan. Guiyaha na hup. Sa short nai. Pues anai mato yo ya hu-record pot Turismn 1963 komo un sagan pot turis ilegna na kaduduku hau. Parehoha yan si Thomas Eddison. Anai ha inventi kandid. ^{nai lami} kaduduku este na tautau. Sa 1963 taya tumugo pot turis. Sa nuebo enau na concep. Pues sigi in discuss enau gi Legislature Lau i tumutuhon gi magahet, man hami yan i mangachonho siha si Tan Diaz, Sandi Magofna, Felipen Salas yan enagui siha. En-nagui tumutuhon lau i pumalo nu puru guana fabalas enau.

- Q. 24 Okay i otro na questiona ni para baihu faisen hau pago na ogaan, nu bula tumungo giya Marianas yan giya Saipan, na dangkulo contri-busionmo. Hafa na mensahi sina un sagane i tautauta especialmente ayo siha man man eeti gi gobietnamto, gi especialmente i Congreso, nai i diferentes siha na Depatamento, hafa na mensaye malago hau para un sangane kosake sina nu machuli enau na abisu uma adelanta mona i tanota, i economia, i Education yan todoeste siha
- A. 24 Okay, a,a, mauleg enau na question sa general lau hu aatan gi bandan Education, Especialmente. Debiñi u maatan i Education komo guiya Chalan i linala i tautau, Bandan i economia, atan pago namagof para uguaha iyota nu Community College. Sen namagof este. Lau gua-ha na Congreso ti ha sapopotta este i Collejio. Ni un biahe i Congreso ni mamatinas saportation ni para unae hit €IP para u ta hatsa nu classroom, taya. Puru este siha salape Federal. Yahu na u uma atan ya u u para tana guaha ayi i megai na tautauta, pot los menos umanafonhayan i dos anos na collejio. Ya uguaha sufisente na na salape para i classroom. I otro i bandan gastun salape, impor-tante na u tana para, u ta cut este siha i tinisisario na na gasto.
- Lau taiguine pot i emplo i travel, tinisisario na i sinko para ufan

hanau, unoha ya humanau hinasoko na esta nahonha ayo, i inefefeta
directamente na no, ya yangin sinko man hanau dangkulo na gasto.
I uttimon i sakan sinaha ta save one million dollars, (\$1,000,000,00)
esteha i travelha yan i pumalo siha na gasto. A, uma atan nu bula
tinesesario, na gasto. Atan pot ihemplo ha kada office guaha Fax
machine, guaha lokue mesenger, Para hafa na para un na setbe i Fax
machine nu pari how are you this morning? Will you bring my coffee,
hanauha guato alog sina nu gumimen cafe? Lau magalalamten makina
puro enau siha nu, gasto no? Gaigiha gi next door i Fax machine
lau anyway yaho na iyota leaders, guaho uaatan na timan menhalom
este siha na Congreso. Debi i tautau ni umayig ayo i i, haꞑtungo
man planea. Lau ganiako na uma estudiaye hafa na chalan Economia
ni mauleg salapena yan sina atman sumagana i salape. Sa guaha siha
chalan yan man mamatitinas hit, Adaihi dos sientos sinkuenta
Miyon na salape. Kantidad ya, atanha i hanomho giya San Vicente,
maasin. No kada un fagasi i tasa, para un gimen cafe, kulan, kulan,
asiga. Masin, sa hafa?na tisina man mamahan hit "Riverser Mosses" ???
Ya ta kula ayo na masin, sa hafa. Saipan i mas gasto para un gaiꞑ
guma, sa an man hatsa hau guma, mamahan hau tanki. Mamahan hau bom-
ba, Lau chatdig sumi i gurifumu sa tinaki. Nu asiga, sa hafa? Gi
egaan an gin siento na bisinumo man man baba gurifu, timato i
hanom gi lugatmo. Hafa taimano ya tatfona este na tecnologia? Hanau
falag America, Mit gi egaan na tautau mababa parehoha na presure.
Hafa na tisina ta gasta salepeta gi mauleg na manera? Yas puroha
Scientis man mafato ya esta pago ti matungo machoguen mauleg. Sa
gimagahet man namasi hit, Guaho gi San Vicente masin, sa setso hu
hagan hulo i CUC ilegko pot fabot timan komplelen yo pot taya hanom
sa guaha hanom, Lau ayoha i manpos maasin. Lau a sina man mamatinas
hit nu nu nu extra pum. Pues ayo gui malagoho i famaguonta lokue
ufan escuela nu pot los menos umana fonhayan dos anos na Collejo.
Sa esta nu toga enau ayochoka un gasta tres anos, guine, Esta pot
lo menos Biente un anos hau.(21 years). Lau mauleg komo umasaguaꞑ
hau, esta un tungo taimano para un lalag. Ya nu namasi tanota sa
hinatmi hit pago ni ayo siha i ICE, DRUG,,Yan todo enau siha. Sen
namaasi nu a, hanauha un dia ya un liliku sa sina man lie hau nu
Marijuana gi gi oriyan i gima i ottro tautau siha. Sa manpos esta
regulat enau na na usu nai, Nu bula tautau man halom gi gi tanota.
Pues a para i man nesesario ~~panaiyoko:advice~~ para i tautauta i, i

tanasuha este siha na na, binenu. Ta ayudaye i famaguonta ya ta konsea gi gimata. Taaespend time ni tafanague hafa taimano nu nu mulalag ya sina gi hinasokko masabulammauleg i tanota.

Q. 25 Okay si Yuus maase Mr. Santos pot i tiempommo. Nu ni unanae hau tiempo magahet kana tanesesita todo este saha na abisu yan ayudu ni pago monhahayan un sagan. Na hunanae hau talo un biahe dangkulo na si Yuus maase pot i un na possible i tiempommo para un estoriaye hit ha kosa ke sina i manmamamaila tiempo i famaguonta yangin man halom guine gi Archives ya ma tataitai este, pat ma eegag este na vidio i i iyommo interview, na ola mon ya ufanma usa este siha na nu tinigo para uma abansa mona i linala niha.

Si Yuus Maase.

A. 25 A,a, Si Yuus Maase lokue ni hago Herbert yan si Ray, nu